

perire in Vulgata lectionem aliquam in qua discrepet a textu communi, cuius fundamentum non occurrat in aliquo aut pluribus etiam codicibus, aut in allegationibus patrum antiquissimorum, aut in versione aliqua pervetusta (1). Ope profundioris studii critici deprehenderunt demum non pauci recentiores protestantes nimis leviter et audacter vetustiores aliquos criticos aut sustulisse, aut in dubium revocasse plura loca, quae abundare videbantur in Vulgata (2). Syriaca porro Peschito, de qua nondum controversia absoluta est (3), in plerisque prae ceteris congruit cum Vulgata, etsi in nonnullis, ut fit, discrepet ab ea; verum semper prae oculis habendum est, versionem latinam ceteris esse omnibus anteriorem.

Ad 8. N. In hac enim hypothesi destitueretur versione critica, eaque antiquissima tot publico seculorum usu probata. Si concilium morem gessisset paucis illis qui novam versionem e fontibus fieri consuebant, non effugisset censuram horum ipsorum qui nunc eidem crimini vertunt id quod veluti sapientem deliberationem doctores ipsi protestantes celebrarunt. Inter quos Drusius: « Non male, inquit, meo iudicio, patres concilii Tridentini receperunt in scholis interpretem vulgatum; nam ut ut errores aliquot habeat, habent et alii suos, longe fortasse plures quam ille (4) ». Huic Buxtorfius adstipulatur (5). Præterea autem innumeras pene difficultates, in quas se coniecisset concilium, si illorum sententiæ obtemperasset: debuisset enim prius textum tum hebraicum, tum graecum authenticum determinare, quod in tanta lectionum varietate difficile admodum esse patet ex trium seculorum sive catholicorum sive protestantium laboribus, inquisitionibus, systemati-

(1) Ne quis suspicetur exaggerata hæc a nobis esse, testes assertionis dabimus auctores protestantes, scilicet Beza, qui sic Erasmus arguit: « Quam immerito Erasmus multis locis veterem interpretem reprehendit, tanquam a graecis dissentientem. Dissentebat, fateor, ab iis exemplaribus (graecis N. T.), quae ipse nactus erat. Sed non uno loco comperimus aliorum codicum et quidem vetustissimorum auctoritate eam interpretationem niti quam ille reprehendit; quin etiam aliquot locis animadvertimus veteris interpretis lectionem, quamvis cum nostris graecis exemplaribus non conveniat. Interdum, tamen multo melius quadrare, nempe quod emendatius aliquod exemplar secutus esse videtur. » Apud Rich. Simon. *Hist. critique du Nouv. Test.* chap. 25. et Morin. *Exerc.* II, cap. 5. n. 5. Sic etiam Isaac Casaubonus de quo Walton *Prol. X.* in Polygl. num. ult. p. 74. scribit: « Notis suis ad Evangelia et Acta saepe vulgatam editionem graeci textus hodierni lectioni praefert, et cum antiquis graecis Mss. Vulgatam convenisse ostendit. » Satis etiam est ad hoc cognoscendum conferre Vulgatam cum pluribus lectionibus quae consonant cum iis quae offenduntur apud Irenaeum, Tertullianum, ac Cyprianum, quae tamen dissentiant a lectione quae reperitur in graeco textu vulgato, aut in variantibus lectionibus quas subiecit suae editioni Oxoniensi Joan. Gregorius an. 1705. et longe copiosiores Griesbachius.

(2) Ex his maxima Ecclesiae prudentia elucet, quae, non obstantibus tot criticorum clamoribus, intactum textum suum conservavit. Si ipsis auscultasset, quoties immutare ac restituere quae abstulerit, debuisset?

(3) Cf. Bengel, *Introd. in crisin N. T.* Ridley, *De syriacis versionibus* apud Michaëlis opp. cit. *Introd.* tom. I. première part. ubi etiam idem A. illorum sententias discutit chap. 7, sect. 5. et 4.

(4) *Anno. in lib. Num.* cap. 139. apud Joan. Buxtorfium *fi. antitica seu vindicae veritatis hebraicae.* Basileae, 1635. par. 1, cap. 8, p. 145.

(5) *Ibid.* Subscribere enim se profitetur iudicio Drusii quem summopere commendat.

bus, quin tamen adhuc pertingere metam potuerint. Deinde in locis obscuris et ambiguis verum sensum debuisset eligere, quod pariter operosum est, ut eruditi norunt; neque sic tamen plurium offensionem declinasset. Adeo verum est faciles haud esse aures praebendas iis qui praeter superficiem res non intuentur!

Ad primum autem emolumentum quod adversarii jactant, reponimus non tam de elegantia, quam de veritate ac fidelitate versionis nos sollicitos esse debere. Si neque Deus ipse hanc a scriptoribus quos inspiravit, requisivit, cur hanc nos curiosius consecrabimur? Hoc plane esset a fine aberrare ob quem Deus nobis Scripturas dedit, ad nos videlicet instruendos et emendandos, non autem ad emulcendas aures nostras. Quotquot proinde cum fidelitatis dispendio sec. XVI. et seq. elegantiam in versionibus biblicis aucuparunt, infelicem exitum sunt experti, cum nemini arriserint (1). Quanquam et illud addendum est, si in nonnullis Scripturae partibus barbarismi offenduntur, in maxima tamen parte non deesse latinæ linguae puritatem. En quomodo de Vulgata Steuchus Eugubinus, trium linguarum apprime gnarus, disserit: « Tanta est, inquit, nostrae interpretationis elegantia, tanta proprietates, tam mirabili prudentia vitat hebraismum, seseque nostrae phrasae accommodat, ut alterius esse quam eruditissimi Hieronymi minime ut credam adduci possim... Si quid in hac nostra editione diversum ab hebraica veritate invenitur, perleve certo est, et quod uno apice resarciri possit... Hanc quoties cum hebraica veritate contulimus, toties in magnas ipsius interpretis laudes erupimus, admirati tantam maiestatem, tantam in transferendo prudentiam, tantum iudicium, tantum leporem, tantam perspicuitatem, etc. (2) ». Nec diversa ratione de lingua Vulgatae iudicium tulerunt celebres protestantes.

Alterum vero quod praedicant emolumentum nullius pariter momenti est, tum quia variantes ipsae lectiones conferunt ad criticam et exegeticam, ac utiles proinde sunt (3); tum quia incurreremus in aliud incommodum: quandoquidem nova eiusmodi versio componi haud posset cum tot variantibus lectionibus textuum tum hebraicæ tum graecæ, novaeque controversiae pululassent.

(1) Cf. Czuppon, *Vindiciae*, etc. qui tom. II, sect. 5. omnes ad suam usque aetatem catholicorum et acatholicorum versiones ab hebraicis ac graecis fontibus recenset et expendit una cum criticorum iudicio, concluditque nullam hactenus effectam esse, quae cum Vulgata comparari possit ob innumeras exceptiones quas patiuntur non modo ex parte catholicorum, verum etiam heterodoxorum.

(2) Praef. ad lect. op. *Veteris Testam. ad veritatem hebraicæ. Recognitio.* Venet. 1829. et in op. *Vulgata editio an sit Hieronymi.* 1534. apud Brunati diss. cit. pag. 81.

(3) Hodius op. cit. *De biblior. textibus original. etc.* lib. III, cap. 16. commemorat Albericum Gentilem ex catholico protestantem, gente Italum atque in univers. Oxoniensi jurisprudentiae professorem, qui libellum edidit: *De latinitate veteris Bibliorum versionis male accusata.* Obiit porro infelix hic apostata an. 1608. Michaëlis tom. II, ch. 7, sect. 24. ostendit haud exiguum utilitatem criticum ex verbis aut phrasibus latinæ linguae, quae in Novi Testamenti versione reperuntur haurire posse atque concludit: « Il n'est aucun motif pour traiter avec mépris la Vulgate, quo je préférerais à la Bible de Castelle, pour la raison

*Obj.* Si historiam recensionis Vulgatae consulamus, quam imperfecta hæc sit magis deprehendemus. Vix enim Tridentinum de veteri et vulgata editione emendatissime imprimenda decretum emisit, ut rom. pontifices ad sese illud negotii revocaverint, quod Lovanienses theologi perficere cœperant (1). Pius IV et Pius V congregationibus ad id institutis correctionem maturandam tradiderunt; ast Sixti V. fervens alacritas omnis moræ impatiens, ut cito ab solveretur, effecit, et exitum vulgavit per constitutionem editam kal. Mart. 1589. Typographiam in palatio Vaticano instituit, et ipsemet emendationi mēdorum typographicorum operam dedit: « Nostra, inquit, nos ipsi manu correximus, si quae prae lo vitia obreperant. » Prodiert hęc Biblia sic emendata an. 1590. Ast festinatus hic labor, qui venerationis sensum in omnibus conciliare debuisset, tum catholicorum, tum protestantium in satyras et criticam statim offendit. Innumeris siquidem prope mendis scatebat hæc editio, quae chartulis obductis, vel calamo celare nisus est pontifex, sed perperam. Sixto iterea perfuncto, Gregorius XIV novam emendationem Bibliorum suscepit; ast morte præruptus, hæc publicata non fuit nisi paucos post dies a coronatione, quam vocant, successoris ejus, Clementis VIII. Ast quomodo honori consulere Sixti V et auctoritati pontificiæ? Bellarminus hunc modum invenit, mediante præfatione typographi ad lectorem, quam ipsemet confecit, in qua mēda omnia typographo ad scriberentur. Hęc præfatio causa potissima esse debuit canonizationis Bellarmini (2). Clementina hæc editio quae pluries recusa est ac novis semper emendationibus aucta, cum in non paucis editioni adversaretur Sixtinæ, occasione præbuit James vulgandi libellam cui tit. *Bellum papale* (3), et Amamae suam *Antibarbarum Biblicum* (4). Ex præfatione porro Bellarmini videtur ex una parte fixum pontificibus fuisse restituere veterem communem et vulgatam editionem, ex altera autem sibi proposuisse recentiorē Hieronymianam tantum emendare, ut versio ecclesiastica esse posset, quamque reipsa censors uti basim emendationis elegerunt. Quæ cum ita se habeant, equis est qui non videat informem adhuc esse vulgate versionis emendationem? Ergo.

R. D. A. Si consulamus historiam recensionis vulgatae editionis prout fingitur, C. juxta rei veritatem N.

Nam 1. ideo ad se rom. pontifices totum hoc emendationis negotium revocarunt, quia solius publicæ auctoritatis est id proponere quod communi

que je viens de dire. J'ai souvent parlé de ce sujet avec le célèbre Gesner, qui avait coutume de dire que la Vulgate était pour lui un livre classique, non qu'il pût apprendre d'elle un latin élégant, mais parce qu'elle lui donnait les moyens d'embrasser le latin dans toute son étendue. »

(1) Conc. Tridentinum decretum suum edidit die 8. April. 1546. Prima vero editio Lovaniensis, prodiit an. mox insequenti 1547.

(2) Ita Hug apud Cellérier op. cit. *Introduction etc.* pag. 210. seqq.

(3) De quo fuse scribit Hodius op. cit. pag. 501. seqq.

(4) *Ibid.* et pag. 494.

ac publicæ utilitati et commodo inservire debet; alioquin nunquam posset libus quæ forte excitarentur, finis imponi. Talis porro est editio emendatæ Vulgatae. Privati possunt laboribus suis conferre ad faciliorem rei exitum, non autem definitive rem ipsam proponere.

2. Si ratio habeatur consilii Sixti V in emendandis Bibliis, et canonum quos sequendos sibi et congregationi huic operi perficiendo instituta proposuit, patebit non inconsultæ festinationi, aut moræ impatiētiæ, sed aliis prorsus causis esse adscribendum, quem perperam adversarii malum exitum vocant, Sixtinæ editionis. Quæ ut intelligantur, sciendum est, a præcedentibus pontificibus, præsertim vero a Gregorio XIII, jamdiu institutam fuisse congregationem ad Bibliorum castigationem, cui præfectus erat card. Caraffa, et canones quinque sancitos fuisse ad quorum normam delecti correctores laborem suum exigere debebant. Sixtus V eandem congregationem ratam habuit, at alios octo canones suffecit, quibus immutata, ut ita dicam, est correctionis basis. Nam juxta priores canones plus indulgebatur collationi versionis et textuum (1); juxta posteriores plus tribuebatur communi lectioni quæ vigeat in Ecclesia, etiamsi in nonnullis a textibus discrepare videretur vulgata editio (2). Inde factum est, ut *Correctorium Caraffianum*, ut vocant, quod ad normam priorum canonum digestum erat, non arriserit Sixto V ac plures præterea emendationes omiserit in sua editione, ex iis quæ in illo Correctorio notabantur, idque ex lege sibi præscripta. Interim licet nulla diligentia prætermisisset, qua impressio typographica nullo vitio inficeretur, nonnulla tamen irrepserunt sphalmata, quæ Sixtus V emendavit, et chartulis glutine applicitis, admonuit quomodo se vera lectio haberet; sunt vero, inquit cl. Ungarellius, loca hujusmodi ita correctæ non ultra quadraginta (3).

Ex his patet neque adeo mendosam ejusmodi editionem evasisse, ut passim traducitur, neque Sixtum eam repudiasse, ut nonnulli vulgarunt, nec pauca adeo exemplaria impressa fuisse, ut vulgo fertur (4). Quod si Sixtus V cogitavit sub finem pontificatus sui prælo iterum subicere suam editionem, uti Bellarminus in allegata præfatione aliique testantur, non ob defectum correctionis ipsius Vulgatae, sed ob mēda quæ reipsa eam in editionem irrepserant, id animo consilii revolvit, quod morte præpeditus executioni mandare non potuit. Ceterum nunquam Sixtum penituit correctionis suæ, quæ adamussim

(1) Hos canones exhibet Cl. Ungarelli in cit. *Prolegom.* § 5.

(2) Cf. *ibid.*, § 12.

(3) *Ibid.* Quod et ego ipse expendi, cum exemplar Sixtinæ ejusmodi editionis in nostra Collegii Romani bibliotheca habeamus. Si quæ alia mēda in Sixtinæ editione occurrunt, minimi momenti sunt. Notandum adhuc est ex illis XL. mendis typographicis quæ Aldo juniori exciderunt, non nisi triginta fuisse chartulis obducta, eo quod graviora essent, ac sensum immutare viderentur; decem itaque nec omnia prorsus certa, absque correctione dimissa sunt, ut ideam cl. Auctor observat § 15.

(4) Cf. *ibid.* § 15. et Marchand, *Aménités littér.* p. 458.



